



243

2-81



243
5-8
OCT 2013
ԱՂՕԹԱՄԱՏՈՅՑ

ՅՈՎՀԱՆՆՈՒ ՎԱՐԴԱՊԵՏԻ

ԳՍՈՆԵՑԻՈՅ



ՎԵՆԵՏԻԿ

Ի ՏՊԱՐԱՆԻ ՍՐԲՈՅՆ ՂԱԶԱՐՈՒ

ՈՅԿ — 1911

12 .06. 2013

5531/1

Ի ՍՐԲԱԴՐՈՇՄ

ՕՇՈՒՄՆ ՔԱՀԱՆԱՅՈՒԹԵԱՆ

ՎԵՑԵՑՈՒՆՅ ՍԻՐԱԿՑՈՐԴ ՀԱՐԱԶԱՏԱՅ

Պ. Պ. Հ. Հ.

ՅԱԿՈՎԲՈՒ - ԹՈՎՄԱՅԻ

ԳՐԻԳՈՐԻՍԻ - ՄՈՎՍԻՍԻ

ԼԵՒՈՆԻ - ՂԱԶԱՐՈՒ

Ի ՇՆՈՐՀԱՐԱՇԻ ՏՕՆԻ

ԳԱԼՍՏԵԱՆ ՀՈԳԻՈՑՆ ՍՐԲՈՑ

ՀՐՃՈՒԱԼԻՐ ՄԱՂԹԱՆՕԲ


Ի ՍԵՐՏ ՍՐՏԷ

ԶՕՆԵԱԼ

ԱՐԶԱՆ ՅԻՇԱՏԱԿԻ

3705
41





ՅԱՌԱՋԱԲԱՆ

ԲԱԶՈՒՄԻ ի Սրբոց և
 ի հոգևորաց շեւղ ստոյգապէս
 խելամուտ վաղանցիկ վայելից
 և ոչնայնոքեանց աստի կե-
 նացս՝ հրաժարեիմ յաշխարհ,
 և զաղաւնոյ քեւ առեալ քրո-
 չեիմ վերանայիմ, և հեռացեալ
 դադարեիմ յանապատս՝ իբրե-
 զանւարտիմ ի մարմնի քա-
 ղարախարեալ անդամօր : —
 Մի ի ձգնագցեաց արանց աստի
 (ՃԳ. դարուն) եր և՛ հեղինակ
 Աղօրիցս՝ Յովհաննէս Վարդա-
 պետ Գառնեցի, զորմէ աշա-
 պէս գրե Կիրակոս Գանձակեցի

ի Պատմագրութեան իշխում¹.
«Այր ոմն առաքինի և զարմա-
նալի մարտը, գործող պատուի-
րանաց Աստուծոյ և թաքարձ
ի մանկութենէ, Յովհաննէս ա-
նուն, ի գիշարադարձին Գառ-
նոյ, ոչը զարմանալի սարա-
շոյրն է Տրդատայ², ի սուրբ
Ռէստէն Այրիմանաց: Սա ի
մանկագոյն տիողն արհամար-
հեաց զամենայն ինչս կենցա-
ղոյս՝ քեալ զագգս և գտուն,
յանապատ տեղիս բնակէր, սի-
րէր առանձին շինել և անգրա-
ղապէս խօսել ընդ Աստուծոյ.
տունաւ գինքն ազգի ազգի մըզ-

1. Տպագր. ի վ. հնգաթիւ. Ս. Ղա-
զար 1865. էջ 200:

2. Ի յեանոց Թաղա Տրդատայ կո-
չեցեալ և Հովհաննէս խորհրդաւոր
ի խորհանցելոյն. որոյ ցարդ երեխն մնա-
ցուածք կործանեալք:

նութեան, պակոց և աղօրից,
գետնատարած անկողնօք և ան-
հաւեգիս տաշխատութեամբ,
շրջելով տեղաշէ ի տեղի, և
լուսաւորելով զպատահեալսն»:
Եւ արդարեւ, ի լռիկ մեջիկ
միայնութեան անդ անապատին՝
ի խորոց քարանձաւաց անտի
նորին՝ քեօք քերևութեան հոգ-
շոյն սրացեալ Վարդապետիս
Յովհաննէս յերկնամեմ առա-
գասուն՝ յարածաւ «անգրաղա-
պէս խօսեր ընդ Աստուծոյ»,
ընդ Դշխոյին երկնից և երկրի,
և ընդ համօրէն դասս լուսե-
ղինաց: Եւ ահա ի սրտաւռչ
խօսից անտի իշրոց ընդ Աս-
տուծոյ՝ յօրինեալ կազմեաց նա՝
ի վերայ գրոյ անոռան իշրոյ՝
զԱղօթամատոյց մատենաւ, ո-
րոյ սկզբնատառք յօդեն զայս
բան. Յովանէս Գառնեցի ա-

տացեալ: Մատենան ոսկեղիւնիկ,
որ յեօրն դարուց հետե պահեալ
անկորոշաւ ի դերբոշկս անդ
աշերակաց հայրենի աշխարհ
հիւ՛, եհաս ի ձեռս մեր. գորոյ
Աղօրս աշտ՛մ ցիր և ցան գտեալ
ի տասն գրչագիրս Մատենա-
դարանի վանացս՝ յայնցանէ
գրնորեղագոյնն կաշաք իբր ի
բնագիր Աղօրիցս, այն է Գ.
օր. Աղօրագրոց, բոլորգիր,
գրեալ ի վերայ մագաղաթի, ի
րոշին ՌՃԴ (1655) օգոստ.
Բ. (թիւ գրչ. 375. մեծ 11X7).
յորոշմ բան յայնս առաւելա-
գոյն բռնով և ձշրոշբեամբ բո-
վանդակեալ կային Աղօրքս.
սակայն փոյր յանձին կարեալ
միանգամայն համեմատեղ գիւ-
րաբանչիւր Աղօրս ընդ այլ օ-
րինակս գրչագրաց յիշատակե-
լոց, և ոշդդեղ ըստ նոցին գյալո-

նի երեւեալսն մեզ վրիպանս ի
բնագրին. և այսպէս ընծայեմք
զայն ի յոյս տպագրութեամբ,
ի վայելս պաշտօնեից Եկեղեց-
ւոյ և համօրէն հաշտացելոց:

Հ. Ե. Ա.

ՅՈՎՀԱՆՆՈՒ ՎԱՐԴԱՊԵՏԻ

Գ Ա Ռ Ն Ն Յ Ի Ո Յ

ԱՂՕԹԻՔ

ԿԷՐԱԿԷԻ ԽՈՐԷ



Ա.Ի.Ի Տ Ե Ն Ի Յ Ա.Պ.
տուած և արարիչ
բոլորից, որ յայսմ
աւուր սկսեալ ի սկզբանէ ա-
րարեր զերկինս և զերկիր, և
որոշեցեր զլոյսն ի խաւարէն.
խաւարեալս մեղօք անկանիմ
առաջի քո և աղաչեմ զքեզ,
Տէր իմ և Աստուած իմ, լու-
սաւորեալ զխաւարեալ խոր-

հուրդս և զմթով ծածկեալ
միտս, բայց զառիգածեալ ա-
ռազաստ զգայարանիս և ծա-
գեա՛ առ ծառայս անպիտան
զնշոյլ ճառագայթից քոց:
Փառքդ անախառմ, որ փա-
րէիր ի վերայ անհուն համա-
սփիւռ ջրոցն՝ փայլեցո՛ առ փա-
նաքիս զփառաց լոյսդ սրբա-
րար: Մաքրեա՛ ի մեղաց ըզ-
բազմամեղս, և սրբեա՛ յան-
սահման սղալանաց, Տէր իմ
և Աստուած իմ, որ յայսմ
աւուր կոչեցեր զլոյսն՝ աիւ,
և զխաւարն կոչեցեր գիշեր.
զգիշեր մեղաց իմոց և զխա-
ւար անօրէնութեան իմոյ
հերքեա՛ և հեռացո՛ յինէն:
Այլ դու, Տէր, գթած և մար-
գասէր, որ յառաջ քան զիւ-
նելն երկնի և երկրի պա-
տրաստեցեր զարքայութիւնն

ի սկզբանէ սրբոց քոց, արա՛
և զիս արժանի ընդ նոսին
փառաւորել զամենազօր տէ-
րութիւնդ յաւիտեանս յաւի-
տենից. ամէն:

ԱՂՕԹՔ

ԵՐԷՆՉԲՆԻ ՄԱՐԷՆ



Վ, ամենակալ և ա-
մենակարող Տէր
իմ և Աստուած
իմ, որ յայսմ աւուր քո ամե-
նազօր և բարձրագոյն բանիւզ
բաժանեալ անջրպետեցեր ըզ-
բազմութիւն ջուրցն ընդ եր-
կուս, և անշուշտ ամբուրեամբ
սահմանեցեր զհաստատու-
թիւնն երկնից ի մէջ ջուրցն

տեղի գրօսանաց ամենայն
զարդուն երկնից. անկանիմ
առաջի քո և աղաչեմ գրեզ,
ասա բանիւդ այգուիկ առ
իս, եթէ «Թողեալ լիցին քեզ
մեզք քո բազում»։ «Քանզի
անօրէնութիւնք իմ բարձրա-
ցան քան զգլուխ իմ, և բազ-
մութիւն յանցանաց իմոց
ծածկեաց զիս»։ Զիք չափ չա-
րեաց չարասիրիս, և ոչ գոյ թիւ
թաղծեալ անօրինիս։ Մեկնեալ
յինէն զյանցանս իմ, Տէր,
անջրպետեալ վերացո՞ ի վսե-
րէս զվէրս վիրաւորեալ ծա-
ռայիս, և արա՞ արժանի զան-
պիտան ծառայս երկնից ար-
քայութեանդ ընդ ամենայն
սուրբս քո, զի ընդ նոսին փա-
ռաւորեցից զամենազօր տէ-
րութիւնդ յաւիտեանս յաւի-
տենից. ամէն։

ԱՂՕԹԻՔ

ԵՐԵՂԵՄԻ ԿԱՆՈՒՆ



Ե Ր Ի Ն վայելչու-
թեանցդ վերանո-
րողդ և ստորայ-
նոցս ստեղծող, Տէր իմ և
Աստուած իմ, որ յայտն ա-
ւուր հրամայեցեր անբաւու-
թեան ջրոյն ժողովիլ ի ժողովս
իւրեանց, յորում երևեցաւ
ցամաքն հանդերձ բարեբողբոջ
բուսօք և տնկօք և ամենայն
բարի պտղօք յազգս իւրեանց։
Անկանիմ առաջի քո և խըն-
զրեմ ի քէն թարշամեալս ի
հոգևոր ծաղկանցն, և ան-
պտուղս ի բարի արգասեացն,

զարեգակն և զլուսին և զաստեղս, և եղեր զնոսա ի հաստատութեան երկնից լուսաւորել զարարածս, և ցուցանել զժամս և զժամանակս, զաւուրս և զտարիս: Եւ արդ, ես խափանեալս ի լուսոյ, և ծածկեալս խաւարաւ մեղաց՝ հայցեմ յամենալոյս ողորմութենէդ. որպէս տարրական լուսաւորացդ շնորհեցեր լոյս, շնորհեաւ և ինձ յառատ և յանհամեմատ լուսոյդ փոքրմիմասն և բաժին, և փարատեաւ յինէն զմէզ և զխաւար յանցանաց, և անանց լուսովդ առաջնորդեա ինձ յարքայութիւնդ, ընդ ամենայն սուրբս փառաւորել զամենազօր տէրութիւնդ յաւիտեանս յաւիտենից. ամէն:

ԱՂԹԹԻՔ

ՀԻՔԷԼԻՔԻՆԻ ԱՆՈՒՆԻ



ԵՐ ՈՂ և ներգործող բարեաց, բազմագութ և ողորմած Տէր իմ և Աստուած իմ, որ յայսմ աւուր հրամայեցեր ջրոյն հանել յինքենէ զհոյլս զեռնոց և ձկանց ծովու և թռչնոց երկնից, և օրհնեցեր զնոսա աճել և բազմանալ, և մինչև ցայսօր և առ յապախնամարկես ի վերայ նոցա: Եւ արդ, ես բազմամեղս անկեալ աղաչեմ զքեզ, բազմազեղ և ազնուագութ Տէր, մի

անտես առնելը զմեզաւորս ի պահպանութենէդ քումմէ և մի մերժեր զյանցաւորս ի պարգեւաց քոց, այլ ցոյց ինձ զուղորմութիւնդ քո, և արա՛ առ իս նշան բարութեան: Բարձ զբեռինա բարկացուցանողիս, և ազատեա՛ զատառապեալս ի տոռանց մեղաց: Մի բարկանար ինձ, Տէր, վասն բազում անօրէնութեան իմոյ, և մի գատապարտեր զգառնացուցիչս վասն անուանդ քում սրբոյ, այլ տո՛ւր ձեռն տարօրինեցելոյս, և հա՛ն ի խորոց անդնդոց զխորատուզեալս մեզօք, մաքրեա՛ յաղտոյ մեղաց և ազատեա՛ ի խղճէ մտաց զբազմաբիծս, զորդիս կորըստեան արա՛ որդիս լուսոյ, և զհեռացեալս յարդարութենէ՝ արա՛ մերձաւոր քոց սրբոցն և

սիրելեաց. զի ընդ նոսին մըտեալ ի հանգիստն մշտնջենաւոր՝ փառաւորեցից զամենաւոր տէրութիւնդ յաւիտեանս յաւիտենից. ամէն:

ԱՂՕԹՔ

ՈՐԷՄԻԷ ԿԱՆՈՆ



ԱՂԵՍ բարի և ամենակարող, Տէր իմ և Աստուած իմ, որ յայսմ աւուր հրամայեցեր երկրի հանել յիւրմէ զգազանս և զանասունս և զսողունս և զչորքոտանիս յազգս իւրեանց, զվայրենիս և զընտանիս, և յայսմ աւուր արարեր զմարդն անձնիշխան, և կացուցեր զնա

տէր և իշխանն ի վերայ ամե-
նայն ձեռակերտաց քոյ, և
եղեր զնա ի դրախտին փափ-
կութեան պաշել զպատուի-
րանն, բայց իմ է պատուիրա-
նազանցութիւն Նախահօրն,
որով արտաքսեցաք ի պայծառ
պատուոյն և ի փափուկ փա-
ռացն: Մանաւանդ զի նա մի
անգամ խաբեցաւ փոքր և
թեթեւ յանցմամբ, իսկ ես
անթիւ և մեծամեծ յանցանօք
մեղանչեմ անդադար. ուստի
և վասն պարտաւորելոյս բար-
ձար յայսմ տուր Բանդ Աս-
տուած ի վերայ խաչին: Եւ
արդ, ազաչեմ զքեզ, երկայ-
նամիտ և անոխակալ Տէր իմ
և Աստուած իմ, սղորմեա ինձ
ողորմելոյս և մեղօք լցելոյս:
Մի ընդ վայր հարկաներ ըզ-
պատկերս՝ յոր փչեցեր և մի

մատներ յաւետենից տանջա-
նացն՝ զոր ստեղծեր. զի քո
եմ Տէր, և ի քեզ յուսամ,
և ի քէն ալն ունիմ արձա-
կիլ ի կապոյ յանցանացս:
Ուստի և հանդիպեցուցես
զիս, Տէր, թողութեան մեղաց,
և քաւութեան յանցանաց. և
մասնակից արտացես զվրի-
պեալս արանց արդարոց և ի
սկզբանէ ընտրելոցն, զի ընդ
նոսին հանգուցեալ փառա-
ւորեցից զամենազօր տէրու-
թիւնդ յաւիտեանս յաւիտե-
նից. ամէն:

ԱՂՕԹՒՔ

Շահաւորական



ՍԻՐԲ Երբորդու
 թիւն անբաժանելի,
 անճառելի և անաշ-
 խատ, որ յայսմ աւուր հան-
 զեար յամենայն գործոց քոց,
 զոր սկսար առնել և կատարել,
 որ նշանակեաց հանգիստն ըզ-
 թաղումն աստուածացեալ մար-
 մնոյդ, որ աշխատեցար բազ-
 կատարած բեւոմամբն ի վե-
 րայ կենսաբեր սուրբ խաչին:
 Եւ արդ, ահա ես ամենամեղս
 անկեալ աղաչեմ զքեզ, Տէր
 իմ և Աստուած իմ, յոյս իմ,
 Յիսուս Քրիստոս, և խնդրեմ



վասն փառաց երեսաց Հօրդ
 լուսոյ, և վասն փառակցու
 թեան Հոգւոյդ Սրբոյ, և վասն
 կամաւոր չարչարանաց քոց,
 և վասն կենդանարմատ փայ
 աին և սուրբ բեւոացն, և
 վասն Հեղման քրքմատեսակ
 ազատարար սուրբ արեանդ,
 և վասն երեքօրեայ թաղմանն
 և հրաշալի յարութեանն, և
 վասն կուսական կաթինն Մա
 րիամու Սրբոյ Աստուածած
 նին, և վասն սիրոյ և բարե
 խօսութեան ամենայն սրբոց
 քոց, երկնաւորաց և երկրաւո
 րաց, սրբեա՛ զիս յամենայն
 մեղաց խնոց և ազատեա՛ ի
 դառն վշտաց գեհէնոյն, և ար
 ժանի արա զանպիտան ծա
 ոսյս խոստացեալ բարեացն
 ընդ ամենայն սուրբս քո, զի
 ընդ նոսին հանգուցեալ փա

ուսուրեցից զՀայր և զՈրդի
և զՍուրբ Հոգին. այժմ և
միշտ և յաւիտեանս յաւիտե-
նից. ամէն:

ԱՂՕԹԻՔ

Ա.Տէրն Տէր Յիսուս Քրիստոս



Ք.ՈՒՆ Աստուծոյ,
Տէր իմ և Աս-
տուած, Յիսուս
Քրիստոս, որ զենար ի վերայ
խաչին և բարձեր զմեզս աշ-
խարհի: Մեղուցեալ ծառայո
և ծանրարեռնեալս յանցանօք՝
անկեալ աղաչեմ զքեզ, Տէր
իմ և Աստուած իմ: Ողորմեա

ինձ, որպէս ողորմեցար հա-
մօրէն աշխարհի, զի դու ես
յոյս և լոյս աշխարհի, ճա-
նապարհ և ճշմարտութիւն և
կեանք: Զմահացեալս մեղօք
և զանօրինեալս յանցանօք՝
մի անտես առնեմ, այլ ողոր-
մեա ինձ վասն ամենայն անօ-
րինական կրից քոց, որոց տա-
րար համբերութեամբ բազ-
մաւ:

Յիշեա, ամենակեցոյց Տէր,
զիջումն քո ի հայրական ծո-
ցոյն, և զմարմնանալն ի սրբոյ
Կուսէն Մարիամայ: Յիշեա,
ամենօրհնեալ Տէր, զչրջեւն քո
իբրև զմարդ՝ ի մէջ մեղաւո-
րաց մարդկան: Յիշեա, ամե-
նասուրբ Տէր, զմկրտիւն քո ի
Յորդանան ի Յովհաննէ: Յի-
շեա, ամենազէտ Տէր, զդարձ-
վանան ի դպրացն և զփոր-

ձանսն ի փարիսեցւոցն: Յիշեա,
 յառաջատես Տէր, զմատնիլն
 ի Յուդայէ, և զքամահիլն ի
 քահանայիցն: Յիշեա, ամե-
 նազօր Տէր, զըմբռնիլն ի
 պարտիզիլն և զձեռնակապիլն
 ի խուժանէն: Յիշեա, ամե-
 նակարող Տէր, զկալն առաջի
 Կայիափայի և զհարցումն ի
 յԱննայէ: Յիշեա, անտխակալ
 Տէր, զապտակն ի ծառայէն
 և զկռուփն ի կատաղեացն:
 Յիշեա, երկայնամիտ Տէր,
 զթուքն ի յերրայեցւոցն և
 զծեծն եղեգամբ: Յիշեա, ար-
 քայ արքայից, զկապանօք
 կանգնիլն ի յատենին Պիղա-
 տոսի և զգանիլն ի նմանէ:
 Յիշեա, անմատոյց լոյս, զքղա-
 միզն կարմիր և զպտակն փշե-
 ղէն: Յիշեա, անյիշաչար Տէր,
 զժամն զայն, յորժամ բարձեր

զխաշափայտն կենսաբեր ու-
 սովդ: Յիշեա, Բարձրեալ, ըզ-
 բարձրանալն քո ի վերայ կեն-
 ղանարմատ փայտին և զպա-
 բապնդիլն բւեռօք: Յիշեա,
 մի մոռանար զպատքումն ծա-
 բաւոյն, և զճաշակ լեղւոյն և
 քացախին: Յիշեա, մի մոռա-
 նար զձայնն էլի էլի, և զխո-
 ցումն ի զինուորէն: Յիշեա,
 մի մոռանար զհոսումն վար-
 զագոյն սուրբ արեանդ և
 զխոնարհիլն տատուածացեալ
 զլիտյդ: Յիշեա, կենդանիդ
 յաւիտենից՝ զթաղումն երեք-
 օրեայ և զյարութիւնն աս-
 տուածապէս և զհամբարձումն
 հրաշափառապէս: Յիշեա, յի-
 շեա յիշատակդ յաւիտենից,
 զկորուսեալս. քանզի վասն
 մեղաւորիս յանձն առեր զայս
 ամենայն, ամենագութ Տէր:

Արդ զայս ամենայն ունիմ
առ քեզ միջնորդ և բարեխօս,
բազումողորմ, ողորմեա ինձ,
և թող գրամենայն յանցանա
իմ, և սրբեա ի մեղաց. ազա-
տեա յանվախճան վշտաց գե-
հենին, և ասէր ինձ տեղի յար-
քայութեանդ քում, զի դու
ես մարդասէր։ Տէր։ Եւ քեզ
ընդ Հօր և ընդ Հոգւոյն Սրբոյ
վայելէ փառք, իշխանութիւն
և պատիւ, այժմ և միշտ և
յաւիտեանս յաւիտենից. ա-
մէն։

ԱՂՕԹՒՔ

ԱՄՍՏՐԻՍԱՆԻՆ



ՍՏՈՒԱԾԱԾԻՆ,
մայր Քրիստոսի,
և ծնող Միածնին
Հօր, բարձող անիծից, և պար-
ծանք օղգի մարդկան. յեր-
կնային զօրացն երանեալ, և ի
հրեղինաց օրհնաբանեալ. միջ-
նորդ Աստուծոյ և մարդկան,
և հաշտարար Հօր ընդ արա-
րածս. թագ և պսակ կուսից,
և համարձակ բարեխօս մե-
ղաւորաց։ Մեղուցեալս յամե-
նայնի՝ անկանիմ առաջի քո,
և աղաչեմ իբրեւ զնոյն ինքն
զմարմնացեալն ի քէն, բարե-

խօսեալ վասն իմ առ Բանն
Աստուած, զոր ծնար մար-
մնով, զոր կերակրեցեր՝ զկե-
րակրիչն ամենայնի և ամե-
նայն կենդանեաց : Ազաչեա
վասն իմ զանդրանիկդ քո.
կայց կանգուն առաջի նորա
ցուցմամբ սուրբ ստեանցդ .
կայց՝ առաջի նորա միջնորդ
և բարեխօս զմանկութիւն իւր,
զկաթամբ սնանիլն որպէս մա-
նուկ, զուսով բառնիլն, զգրը-
կօք գգուիլն, զչրթամբք համ-
բուրիլն, զողջագուրիլն որպէս
սղայ, զերթևեկելն քո **ընդ**
նմա յԱգիպտոս և ի Նազա-
րէթ և յամենայն տեղիս :
Զտրամութեամբ տառապիլն
վասն դորա ի ժամ չարչարա-
նացն . զյանձնարարութիւնն
քո առ Յովհաննէս, յորժամ
հեղուսեալ կոյր վշտօք ի վե-

րայ խաչին . զդառն արտա-
սուան քո՝ զոր վտակօրէն հե-
զուիր, յորժամ տեսանէիր
զնա վտանգեալ ի վերայ խա-
չին : Վասն որոյ մատնի ի դա-
տաստան՝ տառապելի կսկը-
ծակոծ . վասն չարաչար չար-
չարանացն, վասն սաստիկ ծա-
րաւմանն, վասն ճաշակման
լեղւոյն և քացախին, վասն
տեսանելոյն զքրքմատեսակա-
րիւնն իջեալ, վասն իջուցանե-
լոյն ի խաչէն արիւնադանգ
մարմնովն, վասն գիազարդիկ
զնելոյն ի սուրբ գերեզմանն :

Ազաչեմ զքեզ, Մայր բու-
սոյ, հայցեալ վասն իմ. զիր
աղերս աղաչանաց առաջի դո-
րա զամենայն կիրա չարչարա-
նացն իւրոց . զի վասն իմ
կրեաց բարեբարն և մարդա-
սէրն : Յիշեցո՛, սուրբ Այոյս,

դայսքան չարչարանքս, զի
թերևս ողորմեսցի և ներեսցէ
բազմամեղիս, և ջնջեսցէ զձե-
ռագիր յանցանաց խնոց, և իւ-
րով անմեղ մատամբն և սուրբ
արեամբն դրոշմեսցէ զզեզե-
րեալս ի գպրութիւն կենացն
անվախճանից առ ամենայն
սուրբս իւր. զի ընդ նոսին
փառաւորեցից զամենասուրբ
զԵրրորդութիւնն՝ զՀայր և
զՈրդի և զՍուրբ Հոգի. այժմ
և միշտ և յաւիտեանս յաւի-
տենից. ամէն:

ԱՂՕԹՎ

Ա. Տէրն Վեր Յիսուս Քրիստոս



Ա. Հ լուսոյ և ճշ-
մարիտ ճանապարհ
կենացն յաւիտե-
նից, Քրիստոս Աստուած: Դու
ես դուռն լուսոյ և բղխումն
ողորմութեան, դու ես հովիւ
քաջ և դարձուցիչ մոլորելոց,
դու ես թողիչ մեղաց և քաւիչ
յանցանաց: Յանցաւոր ծա-
ռայս քո և բազմամեղս իւրն
զընմ յառատ ողորմութենէդ
քումմէ, մի յիշեր զմեզս իմ
զառաջինսն, այլ հանդերձ միջ-
նօքն և վերջնօքն վերացս յի-
նէն: Սրբեա՛ զիս սրբաբար զօ-

բութեամբդ, և ազատեալ յան-
թիւ յանցանացս. մաքրեալ
զիս ի խղճէ մտացս, և ար-
ձակեալ ի կապից մեղաց: Թող
ինձ զպարտս իմ, որպէս թո-
ղեր անդամալուծին, և արդա-
րացս իբրեւ զմաքսաւորն. զեր-
ծո՛ղ զիս յաններեւի տանջա-
նացն և մոյժ զմոլորեալս ի
խորանս սիրտդ քոց. զի և
ես ընդ նոսին փառաւորեցից
զքեզ ընդ Հօր և ընդ Հոգ-
ւոյդ Արքայ. այժմ և միշտ և
յաւիտեանս յաւիտենից. ա-
մէն:

ԱՂՈԹԻՒՆ

Ա. Տէր՝ Դեր Յեռնիքի



Ա. Յ. Ե. Ա. քաղցրու-
թեամբ առ դառ-
նացուցիչս, Տէր
իմ Աստուած իմ, Յիսուս
Քրիստոս: Մի բարկանոր
ինձ, Տէր, վասն բազում մե-
ղաց իմոց, և մի մերժեր ի
սպառ զգործս ձեռաց քոց. մի
հասցէ ի վերայ իմ ցատումն
անոխակալիդ, և մի անաւս
արասցես զտարակուսեալս,
Տէր երկայնամիտ և անյիշա-
լար: Յիշեալ, մարդասէր, զվը-
տաբանդեալս մեզօք, և պա-
տեալ ողորմութեամբ զվէրս վի-

բաւորելոյս, քան զի տառունք
մեզաց պատեցան զինև, և
հոյ՞ւք յանցանաց պաշարեցին
զիս: Հոս յօգնութիւն կոր-
ծանելոյս, և փրկեա՞ զխաղբա-
կեալս ի մեզաց, յորմէ՞ դո-
ղամ՞ ի գառնութենէ՞ զժոխոցն
տպրեցո՞ զիս, Տէր իմ. և յոր-
մէ՞ տարւիմ՞ յանշէջ՝ հրոյն պա-
հեա՞ զիս, Աստուած իմ. զմե-
զօք ազատեղեալս սրբեա՞, Տէր
իմ, և ի սկզբանէ՞ սրբոցն մառ-
նակից տրա՞ զիս, Աստուած
իմ. և զհարուածեալս ի մե-
զաց՝ հրաւիրեա՞ յանճառ երկ-
նից յարքայութիւնդ, առ կա-
մարարս անուանդ. քում՞ սրբ-
բոյ, զի ընդ նոսին փառա-
ւորեցից զամենազօր տէրու-
թիւնդ յաւիտեանս յաւիտե-
նից: ամէն:

ԱՂՕԹԻՐ

Ա. Տէրն Բեր Յիւնիս Բերնիս



Երկն Աւուր թագա-
ւոր, որ վտան զիւ-
տի միոյ մեղաւո-
րի՞ զՀայր և զՀոգի Հանդերձ
հրեշտակօքն ուրախացուցեր,
ապա մի՞ յապաղեացէ՞ յինէն
գութ թղորմութեան քո. զիս
զկորուսեալս մեզօք ի խորս
անդնդոց, և տրա՞ խրախու-
թիւն ի բարձունս երկնաւո-
րացդ. կանգնեա՞ զգլորեալս ի
մեզաց, լուսաւորեա՞ զխաւա-
րեալս, սրբեա՞ զազատեղեալս,
դարձո՞ զմոլորեալս: Մի՞ թո-
ղուր զիս ի կամս անձին իմոյ

գնալ, զի մի տիրեսցեն ինձ
 ամենայն մեղք իմ: Խնդրեմ,
 Տէր, հայցեմ և բախեմ, բայց
 ինձ, Տէր, զդուռն ողորմու-
 թեան քո: Այլ ընդ վայր և ի
 զուր լիցի այնքան աշխատու-
 թիւնն վասն իմ, զոր կրեցեր ի
 Ղողգոթա՝ խաչն, բեկոքն,
 ծարաւն, լեղին, քաջախն,
 հարուածք տիգին, հեղումն
 արեանդ, ձայնն ահաւոր, զու-
 չումն ուժգին, բարբառն էլի
 էլի, նաև այլ ամենայն վիշա-
 քըն՝ զոր կրեցեր վասն կու-
 րուսելոյս: Վասն որոյ միջնորդ
 և բարեխօս ունիմ առ քեզ
 զփրկարար անօրէնութեամբ
 զկիրան, փրկեա զմեղուցեալս
 ի սպառնալեաց զեհէնոյն, և
 հանդո՞ զգինս արեան անեղիգ
 յերկնային առաջաստն լու-
 սոյ. զի ընդ ամենայն սուրբս

տրանք երեւելացս խարեցին
զպակասամիտս . և ցանկու-
թիւնս չարեաց կուրացոյց
զաչս ոգւոյս . մոռացայ զգութն
քո , որ առի և վառնեցի ըզ-
պարգէս ողորմութեան քո ,
յեսո հարի զանմահարար սէր
քո , և արհամարհեցի զխնա-
մակալութիւն Արարչիդ , հեա-
տեցի յօրինաց քոց , Տէր , և
ապստամբեցի ի պատուիրա-
նաց հզօրիդ : Վասն այսորիկ
մերժեցեր զմեզուցեալս և ընդ
վայր հարեր զվայրագնացս ,
այլ չիք ուստեք փրկութիւն
իմ , Տէր : Դու ստեղծեր զիս ,
զիր զձեռն քո ի վերայ վի-
րաւորեալ ոգւոյս . քեզ մեղայ ,
փրկութիւնդ յաւիտենից , մի
զարձուցաներ զերեսս քո յի-
նէն , և մի խոսորիր բարկու-
թեամբ յանպիտան ծառայէս :

Երեւցն զերեսս քո ի ծառայս
քո , և քաղցր հայեաց առ իս
ամենատես աշօքդ . փրկեա
զաշխարհիւս ի հրոյն յաւիտե-
նից , և ազատեալ ի բորբոքեալ
բոցոյն : Արժանացն զտարա-
կուսեալս անանց փառացն
հանդիպել , և փառաւորել զա-
մենազօր տէրութիւնդ յաւի-
տեանս յաւիտենից . ամէն :

ԱՂՕԹՔ

Ա՜՜ Տէր՝ Դէր Յէ՛՛՛՛՛՛ Քրիստոս



Խեղ յուսամ, Յիսուս Քրիստոս, յայտ իմ, և աղաչեմ, քանզի բազում են յանցանք իմ ատուելի քան զաւագ ծովու: Ահա զմեզս իմ ցուցից քեզ, Տէր, մեղաց և զանօրէնութիւնս իմ ես ինձէն զիտեմ: Մի՛ յիշեր զմեզս իմ, Տէր իմ Տէր, և մի՛ համարիր զամբարշտութիւնս իմ, Աստուած Աստուած իմ: Մի՛ ըստ անզգամութեան իմում զաներ զիս, Տէր իմ Տէր, և մի՛ հասուցաներ ինձ ըստ գործոց

իմոց, Աստուած Աստուած իմ: Մի՛ գներ ի կշիռ զծանրութիւն մեղաց իմոց, Տէր իմ Տէր, և մի՛ խնդրեր համար անթիւ յանցանաց իմոց, Աստուած Աստուած իմ: Մի՛ հարցափորձ քննութեամբ զարհուրեցուցաներ զիս, Տէր իմ Տէր, և մի՛ մանրամասն յուզեցես զծածուկսն իմ, Աստուած Աստուած իմ: Մի՛ յահեղ հրապարակին հրատարակեցես զգաղանիս իմ, Տէր իմ Տէր, և մի՛ սաստելով սպառնայցես ինձ, Աստուած Աստուած իմ: Մի՛ սասացես ինձ « ծառայ չար և վատ », Տէր իմ Տէր, և մի՛ հրամայեցես հրեղէն կտապանօքն կապել զոտս իմ և զձեռս, Աստուած Աստուած իմ: Մի՛ ընկենուր զիս ի բոցն բորբոս

քեալ, Տէր իմ Տէր, և մի
ծածկեսցես զծանակեալս ի
բոցածաւալ ծովն, Աստուած
Աստուած իմ: Մի տարցես
զիս ի գեան հրեղէն, Տէր իմ
Տէր, և մի վտակաւ կայծա-
կանց վտանեսցես զիս, Աս-
տուած Աստուած իմ: Մի տայ-
ցես զտառապեալս ի սուր
տարտարոսին, Տէր իմ Տէր, և
մի անվախճան որդամբքն կըշ-
տամբեսցես զիս, Աստուած Աս-
տուած իմ: Մի առաքեսցես
զեղիկելիս ի խաւարն արտա-
քին, Տէր իմ Տէր, և մի ար-
տաղբեսցես զողորմելիս ի լալ
աչաց և ի կրճել տտամանցն,
Աստուած Աստուած իմ: Մի
որոշեր զբազմամեղս յերամէ-
երանելեացն, Տէր իմ Տէր.
և մի զրկեր զտարակուսեալս
յերանաւէա փառացն, Աս-

տուած Աստուած իմ: Այլ ըստ
անհամեմատ մարդասիրու-
թեանդ, և ըստ բազմախնամ
ողորմութեանդ, ողորմեա՛ ո-
ղորմելի ծառայիս, և փրկեա
ի դառնագոյն վշտաց գեհե-
նոյն. և արա արժանի մտա-
նել ի խոտացեալ բարիան
քո ընդ ամենայն սուրբս, և
ընդ նոսին փառաւորել զքեզ
ընդ Հօր և Սրբոյ Հոգւոյդ.
այժմ և միշտ և յաւիտեանս
յաւիտենից. ամէն:

ԱՂՕԹՔ

Ա. Տէր Հասն Բէշէրոյ,



ՂԱԶԵՄ Ղ. քեզ, Տէր
Աստուած ամենա-
կալ, և գոհանամ
զանհաս մարդասիրութենէ
քումմէ, որ արժանի արարեր
զանարժան ծառայս քո ժա-
մանել ի ժամ զիշերոյս: Դու
ես տէր տունջեան և գոյա-
ցուցիչ զիշերոյ, դու պահպա-
նես զիս ի կարծեաց ցնորից
և յերկիւղէ յերևելեաց և յա-
ներևութից թշնամեաց, և ամ-
բացս ի դառնութենէ զի-
ւաց, ի բռնութենէն բելիա-
րայ, ի սատարից սատանայի,

ի ծանրութենէ խիպիւկաց, ի
փմանէ շինուածոյս, ի նեն-
գութենէ մարդկան, ի յա-
զանգոյ կախարդաց, ի մոլոր
խորհրդոյ, ի յազտեղի մտա-
ծութեանց, ի ցանկական ցա-
ւոյ, ի զարհուրանաց քնոյ, ի
դառն երազոյ, ի յարհաւրաց
չարին, ի յամբոխական անբը-
ջոյ, և ի յայլ ամենայն իրաց
չարաց պահպանես զծառայս
քո ամենակեցոյց շնորհիւդ:
Եւ քո ամենահնար ողորմու-
թեամբդ շրջապատեալ ամբա-
ցս յամենայն կողմանց զսե-
նեակ հանգստարանիս յաջ և
յահեակ, ի հիւսիս և ի հա-
րաւ, ի յարեւելս և յարեւ-
մուտս, ի յերկինս ի վեր և
յերկիր ի խոնարհ, զբանակս
հրեշտակաց առաքեա, Տէր, ի
բնակարան ծառայիս: Տո՛ւր

ինձ, Տէր, լուսաւոր խորհուրդ
 և արդիւնաւոր մտածութիւն.
 տուր ինձ, Տէր, արթնութիւն
 մտացս և զգաստութիւն զգա-
 յարանացս, զի զուարթ մտօք
 և արթուն խորհրդով հան-
 գեայց, և գոհութեամբ փա-
 ռաւորեցից զամենասուրբ տէ-
 րութիւնդ. այժմ և միշտ և
 յաւիտեանս յաւիտենից. ամ-
 են:

ԱՂՈԹՔ

ՄԵՐԻՐԴՈՒՄԻՆԻԲ ԵՐԵՄԻԱ
 շԵՐԱԾԻ



ՈՒՐԵՔ և սիրե-
 ցեալք յամենա-
 սուրբ Երրորդու-
 թենէն, հոգիք հարկաւորք,
 Գաբրիէլ, Միքայէլ, Ռաբիէլ,
 Ռափայէլ, հրեշտակք, հրեշ-
 տակապետք, պետութիւնք,
 իշխանութիւնք, զօրութիւնք,
 տէրութիւնք, սերովբէք, քե-
 րովբէք, աթոռք հոգեղէնք,
 հրեղէնք, բոցեղէնք, լուսե-
 ղէնք, և այլ ամենայն գոսա-
 կարգութիւնքդ երկնաւորք:
 Որոց առաջի անկանիւմ, և

զարգարողին ձերոյ Տեառն
Աստուծոյ երկիր սրագանեմ,
և խնդրեմ ի ձէնջ հայցել ի
Տեառնէ զթողութիւն յանցա-
նաց և զքաւութիւն մեղաց
իմոց: Քանզի ձեզ տուեալ է
համարձակութիւն վասն բա-
րեխօսութեան ամենայն մե-
ղաւորաց: Քանզի դուք սուրբ
էք, և ուռ ամենասուրբն մօ-
տակացք: Դուք անմարմինք
էք և անմեղանշականք, իսկ
ես մարմնաւոր եմ և մեղան-
շական: Դուք անմահ՝ և ի
լոյս բնակեալ, իսկ ես մահկա-
նացու և խաւարաւ մեղաց
ծածկեալ: Դուք թեթեւն-
թացք և քան զմիտս երա-
զունք, իսկ ես ծանրացեալ
մեղօք և զառածեալ յանցա-
նօք: Վասն որոյ աղաչեմ զձեզ,
աղաչեցէք վասն իմ զՏէր,

հայցեցէք զթողութիւն բա-
զում յանցանացս. քանզի և
ինքն իսկ մարգասէրն յօժար
է ի փրկութիւն կորուսելոյս:
Մի անփոյթ անխցէք զխնդիր
տարազելոյս, այլ միաւորեալ
զաղաչանս մեղուցելոյս ընդ
ձեր ամենամաքուր մաղթա-
նացդ՝ մատուցէք խնդրողին
զկորուսեալն. զի փրկու-
թեամբս իմով ուրախութիւն
արացէ ձեզ Տէր ի յերկինսդ,
և ես ձերով միջնորդութեամբդ
սրբեալ ի մեղաց, և ազատեալ
յամենայն յանցանաց, փա-
ռաւորեցից ընդ ձեզ զամենա-
սուրբ զՆերորդութիւնն, ըզ-
Հայր և զՈրդի և զՍուրբ Հո-
գի. այժմ և միշտ և յաւի-
տեանս յաւիտենից. ամէն:

ԱՂՕԹՔ

Ա.Տէր Ա.



ԱՏՈՒԱԾ Աստուած
 իմ, որ քննեալ ըզ-
 սիրաս և զերիկա-
 մունս, հայեաց յերկնից ի
 սրբութենէդ քումմէ, և տես
 զտարակուսեալ անձն եղկել-
 ւոյս: Ի յանցանաց օղատեա
 զպարտաւորս, և ի մեղաց մա-
 քրեալ զբազմամեղս: Մի ընկե-
 նուր զիս յերեսաց քոց, Տէր,
 և մի ընդ վայր հարկաներ զիս
 վասն մեղաց իմոց: Ազաչեմ
 զքեզ, Տէր, զօր վախճանին
 իմոյ ի պատշաճի արա՛, և
 զհրեշտակ խաղաղութեան ա-

ռաքեա առ ծառայս քո. զհո-
 զեվարքն իմ թեթեւ արա, և
 զհոգիս իմ խաղաղութեամբ
 անցն ընդ հարութիւն այսոցն՝
 որք են ի ներքոյ երկնից:
 Խաւարեսցին աչք նոցա, զի
 մի տեսցեն. և զհարութիւն
 նոցա կործանեա, Տէր: Ասա-
 տիկ սաստիւ քո, Տէր, սպա-
 սեսցին սպառնալիք նոցա.
 Ըմբռնեսցին զարհուրանք նո-
 ցա. զանալիցք եղիցին գնացք
 նոցա. ըմբռնեսցին բռնու-
 թիւնք նոցա. խափանեսցին
 չար խորհուրդք նոցա. տոչո-
 բնացին տարափք նոցա. ջար-
 զեսցին ջուրիք նոցա. կռփա-
 հարեսցին կռիւք նոցա. ջնջե-
 ցին ջանք նոցա, և բանակքն
 բեկցին, զօրքն զարհուրեսցին,
 շշնջմունքն շիջցին, պատե-
 րազմունքն պարտեսցին, յար-

ձակմունքն արձանատացին,
 դէնքն զգուեսցին, աղաղակքն
 աղարատեցին, մեքենայքն
 մանրեացին, սղառաղէնքն
 սպառեսցին, ցամունքն ցա-
 ծացին, մեկնաղէնքն մոր-
 մոքեսցին, ամբարտաւանու-
 թիւնքն ամաչեացին, քաջքն
 քամաչեացին, լրբութիւնքն
 լիկեացին, և միանգամայն ա-
 մենայն միաբանութիւնք նո-
 ցա ի սկզբանէ մարդաստա-
 նին: Առ զդէն և զասպար,
 և արի յօգնել վտանգերոյս.
 Հան զսուր քո և արգել զնո-
 սա յինէն, Տէր Աստուած իմ:
 Տուր զօրութիւն ծառայի քո,
 զի մի ասասցէ թշնամին, թէ
 յաղթեցի նմա. արա՛ս առ իս-
 նչան բարութեան. և նշանաւ
 խաչի քո, Տէր, խոցոտեա՛
 զնոսա. սուրբ բռնութիւնք քեզ

զբանակ նոցա, կարմիր քղա-
 միղսմն կարկեա զնոսա, հա-
 ռուածովք եղեգանն աղէ՛ գա-
 նեա՛ զնոսա. փշեղէն պատկաւն
 նետածիգ արա զնոսա, լեղ-
 ւովն և քացախովն՝ զոր ար-
 բեր, կակծակի՛ծ արա զնոսա,
 բղխամար սուրբ արեանդ հեր-
 քեա զհոյլս նոցա, սոսկալի
 չարչարանօքն քո չարչարեա
 զնոսա, ձայնիւն էլի էլի հըր-
 դեհեա զնոսա, տիգաւն որով
 խոցեցար՝ տարամերժեա զնո-
 սա. և այլ ամենայն անօրի-
 նական կրիւքն կործանեա
 զբերիար և զամենայն չարու-
 թիւն զօրաց նոցա: Եւ զծա-
 ռայս քո, Տէր, անդրդուելի և
 անդողալի պահեա յերկիւղէ
 նոցա, և յամենայն պատրա-
 նոց նոցա ամբացո՛ յերևելիս
 և յաներևոյթսն. քանդի քե

պահպանեալ և պարսպեալ՝
փառաւորեցից զամենազօր
տէրութիւնդ յաւիտեանս յաւ-
ւիտենից. ամէն:

ԱՂՕԹԻՔ

Ա՜՜ Տէր Ա՜՜



ՅՐՈՒԵԱ՛, Տէր, զօ-
րութեամբ սուրբ
խաչի քո զընդդի-
մամարտութիւն աշտոյն չա-
րին՝ որ պատեալ կան զինեւ,
կործանեա զնոսա: Ողորմեա
ինձ մեղապարտիս յառուր ու-
հեղ ատենի քում, և մի տար
զիս նոցա ի ժառանգութիւն,
զի կարող ես՝ բարերար, և անդ
ողորմել յաւէա զօրեղութեամբ

ատելով, թէ «Ողջ եղիջիր յող-
ւոյդ խորտակմանէ, կամ, թէ
թողեալ լիցին քեզ մեղանք
քո». կամ, թէ «Երթ ի խա-
ղաղութիւն սրբեալ ի մեղաց».
զի անդ է ողորմելն իսկա-
պէս: Եւ եթէ դատեսցես զիս
ըստ մեղաց իմոց, ընդունայն
է ինձ յարութիւն ի մեռելոց.
բաղում. եւ անօրէնութիւնք
իմ, այլ և անբաւ է մարդա-
սիրութիւն քո, որ փրկու-
թիւնդ ես ամենեցուն: Յիշեա
զիս՝ զթած, այցելու լեր՝ ու
զորմած, զի ստեղծուած եմ
անարատ ձեռաց քոց. մի ըստ
մեղաց իմոց արտացես, և մի
ըստ անօրէնութեան իմում
հատուցաներ ինձ: Մի տալ-
ցես ինձ զնալ յաւիտենական
կորուստն վասն բաղում յան-
ցանաց իմոց՝ զոր գործեցի

յաւաղելի կեանս իմ, այլ փրկեալ զիս յանշէջ հրոյն և յաններելի տանջանաց, յիշելով միայն զաստուածային խոստմունս քո. « Որ ոչ եկիր կորուսանել զմարդկան հոգիս, այլ կեցուցանել »: Յոյց ինձ զանճառ մարդասիրութիւնդ, և արա զիս հաղորդ ընդ աւազակին այնմիկ՝ որ միով բանիւ ժառանգորդ եղև զբախտին: Շնորհեա ինձ զհայցուածս իմ, զի դու միայն ես տուող կենաց իմոյ. աղաչեմ զքեզ, Տէր, ազատեա զիս ի դառն ծառայութենէ սատանայի, և մոյժ զիս ի յարկս փառաց քոց ընդ սիրելիս աշուան քում սրբոյ, և մի առներ համար անօրէնութեան իմոյ: Գոչեմ առ քեզ ըստ Դաւթայ, « Թէ զանօրէնու-

թիւնս իմ քննես, Տէր, իսկ ո՞ր կարէ կալ առաջի քո »: Այլ դու մարդասէր, նայեալ իս քաղցրութեամբ քո, և մի յիշեր զբաղմութիւն զազրելի մեղաց իմոց: Գիտեմ, զի չեմ արժանի ողորմութեան քո, բայց դու և անարժանից սովոր ես ողորմել, որ եկիր ի խնդիր կորուսեալ պատկերիս, և նորոգեալ փրկեցեր և փառաւորեցեր. զթասցիս վշտագին անձին իմոյ, զի քեզ տուեալ է իշխանութիւն կեցուցանել, քանզի մեծապէս փոյթ է քեզ փրկութիւն մեր: Գթա՛ և յիս, որ առաւել ունիմ քան զամենեսեան պէտս մարդասիրութեան սիրոյ քո և զանճառելի քաղցրութեան սիրոյ քո, և մի պահանջեր համարս բիւրուց մեղաց իմոյ,

զոր ինչ յանցեալ ի մոռացմանէ պատուիրանաց քոց, մի տայցես զիս ձգել ի խաւարն արտաքին, ուր լալ աչաց է և կրճել ատամանց, այլ ընկալցիս ի փարախ հօտի քո: Եւ արժանի արա զիս զողորմութիւն գտանել ի քէն, որ ոչ զարձուցանես զերեսս քո, որոց խնդրեն ի քէն, մի և յինէն զարձուցաներ, աղաչեմ զքեզ, Տէր իմ: Բարեխօսութեամբ անարատ մօր քո և Կուսի, և աղաչանօք ամենայն սրբոց քոց երկնաւորաց և երկրաւորաց՝ որք ի սկզբանէ հաճոյ եղեն քեզ աստուածութեան քո, ընկալ զաղաչանս մեղուցեալ քո ծառայիս, և մի անաես սոճներ զիս ի բարերար խնամոց քոց, զի գու միայն ես մարդասէր, բազմ

մագութ և ողորմած, Տէր մեր Յիսուս Քրիստոս: Զի թէ պէտ և ինձ անհամարձակելի է խնդիրս, բայց քեզ առաւել կամելի է, զի ողորմած ես. արժանի արա զիս ընդ սուրբս քո մտանել յերկնային խորանան լուսոյ, և ժառանգել զպատրաստեալ ի սկզբանէ աշխարհի սրբոց քոց զարքայութիւնդ, և ընդ նոսին միշտ գոհանալով փառաւորել զքեզ ընդ Հօր և ընդ Սուրբ Հոգւոյդ. այժմ և միշտ և յաւիտեանս յաւիտենից. ամէն:

ԱՂՕԹՔ

Ի ՍՈՒՐԵՆ ԱՊՈՒՇԱՅԻՆ Ե ՄԱՐԿԵՆԱՅԻ ՍՈՒՐԵՆ



ԲԿՆ ԱՅԻՆ ՂՈՒՆ, Ե ՍՈՍՊԱՍՏ ԿՆՄԱՀ ՄԱՀ ՄԱՐԲԱՅԻՆ, մայր լուսոյ՝ Ե Կոյս անարատ, որ մարմնով ծնար զՅանն Աստուած, Ե Երանեցար յամենայն ազգաց, որ Ես պարծանք ազգի մարդկան, Ե միշտ բարեխօս առ Միածինն: Անկանխմ առաջի քո, Ե ազալեմ գրեզ. քո սուրբ կաթամբդ՝ որով սնուցեր զանգրանիկ Որդին, բարեխօսեա առ նա, զի սրբեացէ զիս ի մեղաց Ե ա-

զատեացէ յամենայն սխալանաց:

Այլ Ե ՂՈՒՔ, ով Սուրբ Ե սիրեցեալք ի Տեառնէ, հրաւիրեալքդ ի սկզբանէ Ե ընտրեալքդ յորովայնէ, առաքեալք Ե մարգարէք, հայրապետք Ե վարդապետք, մարտիրոսք Ե վկայք, նահատակք Ե հղնաւորք, կուսանք Ե միանձունք, Ե այլ ամենայն համօրէն հաճոյացեալքդ Աստուծոյ յիւրաքանչիւր յազգաց, որք սիրեցէք զՏէրն բոլորից ի բոլոր սրահ, Ե տկար մարմնով զանմարմնոցն ցուցէք զհանդէս քաջութեան. քարամբք քարկոծեալք, քերանօք քերեալք, հրով փորձեալք, սրով խողխողեալք, ջրով խեղդեալք, պարանօք կախեալք, փայտիւ խաչեալք, սովով հա-

լածեալք, ծարաւով մաշեալք,
 եղեգամբ ճաղկեալք, գազա-
 նօք ահարեկեալք, ջայլոտեօք
 ջարդեալք, տատաակօք տան-
 ջեալք, հեղուսիւք բեւեռեալք,
 ի բարձանց գահալիժեալք,
 խորտակօք սուղեալք, նետիւք
 հարեալք, ձեռամբ կռիւեալք,
 ի սիրելեաց մատնեալք, ի ծա-
 նօթից ծանակեալք, ի բարե-
 կամաց ատեցեալք, ի սննդեան
 տեղեաց հալածեալք, նսււ այլ
 ամենայն չարչարանօք չար-
 չարեալք, և խաչակցեալք ընդ
 Քրիստոսի, որք և ընդ նմին
 թագաւորելոց էք յանլախ-
 ճան յաւիտենին: Եւ արդ,
 ես անպատուդս ի բարեաց, և
 ունայնս յարդարութենէ, և
 բազում մեղօք պաշարեալս,
 անկանիւմ առաջի տեսողական
 ոսկերաց ձերոց, որ էք ծաղ-

կեալք ընդ ամենայն տեղիս,
 յորոց ոչ կորիցէ և ոչ մաղ
 մի. աղաչեմ դձեզ՝ սիրովն
 Քրիստոսի զոր ունիք առ նա,
 բարեխօս լերուք առ նա վասն
 բազմամեղ տնձին խնոյ, զի
 մաքրեսցէ զիս ի յաղտոյ մե-
 ղաց, և աղատեսցէ ի պար-
 տեաց յանցանաց, և փրկեսցէ
 զանօրինեալս յանեղբաւան
 տանջանայն և ի վշտագին
 դառնութենէ գեհէնին, և ա-
 բասցէ զիս մասնակից և հա-
 զորդս հանգստեանդ ձերում.
 զի և ես ընդ ձեզ հանգու-
 ցեալ փառաւորեցից զամենա-
 սուրբ Երրորդութիւնն, այժմ
 և միշտ և յաւիտեանս յաւի-
 տենից. ամէն:

ԱՂՈԹԻՔ

Ա՜՜ Տէրն Տէր Յիսուս Քրիստոս
Հասն ճանապարհի



ՈՒՍՋՆՈՐԴ կենաց
և ճանապարհ ճըշ-
մաբառութեան,
Տէր մեր Յիսուս Քրիստոս,
որ առաջնորդեցեր Յովսէփայ
յեղիպատոս, և Իսրայէլացւոցն
ընդ ծովն Կարմիր, և Մով-
սիսի ի լեառն Սինէական, և
ժողովրդեանն յերկիրն պար-
զեաց, և Կղէովպասեանցն ճա-
նապարհակից եղեր յԱմա-
ւուս: Աղաչեմ գրեղ, Տէր, ա-
ռաջնորդեա մեզ և եղբարց
մերոց գնալ խաղաղութեամբ

դառաջիկայ ընթացս. փրկեա
յերեւելի և յաներևոյթ թըշ-
նամուսն, և բարի առաջնոր-
դեա ի գէմ եղեալ անդին,
զի զու ես ճանապարհ և ճըշ-
մաբառութիւն և կեանք, և քեզ
վայելէ փառք իշխանութիւն
և պատիւ, այժմ և միշտ և
յաւիտեանս յաւիտենից. ա-
մէն:

ԱՂՈԹՔ

Ա՜՜ Տէրն Տէր Յէ՛հոնն Վերնո՞ւն



ԼՈՅՍ Ի լուսոյ, լոյս աշխարհի, Քրիստոս Աստուած, որ լուսով ողորմութեամբդ քո լուսաւորեցեր զարարածս համեմայն, և ի հաւատացելոց քոց հարածեա զխաւար մեղաց և զանգիտութեան: Ա՜յ ի խընդրողաց զողորմութիւն քո ոչ անտես տոնես, բարերար, որ զաւագակն միով բանիւ սրբեցեր ի մեղաց, և զսրովբեա փակ դուռն զբախտին բացեր նմա, և ընդ քեզ մտանել ի յաւիտենից հանգիստն խոս-

տացար նմա: Ա՜յ արդ, իմ առեալ զաղօթս աղաչանաց նորա կարգամ տու քեզ, յիշեա և զիս, Տէր, յորժամ գաս արքայութեամբդ քով, և բաց ինձ զդուռն ողորմութեան քո՝ մտանել ի հանգիստն յաւիտենից, և ընդ ամենայն սուրբս փառաւորել զամենազօր տէրութիւնդ յաւիտենես յաւիտենից. ամէն:



ԱՂՕԹՎ

Ա՜ՏԵՐ Ա՜ՊՐԱՆՔ

ՏԵՐ տէր, հայր և Ա՜ս-
տուած կենաց իմոց, անկա-
նիմ առաջի քո և աղաչեմ
դքեզ, հայեա՛ ի տառապանս
ծառայիս քո, և խնայեա ի
մեղօք մոլորեալ անձն իմ :
Բժշկեա՛ դբեկեալս, և կանգ-
նեա զգլորեալս, զի՛ր սպեղանի
խոցեալ և թարախեալ հոգ-
ւոյս, և պատեա զվէրս վի-
րաւորելոյս : Վերականգնեա՛,
քանզի կորեայ և կործանեցայ
բազում անօրէնութեամբս, և
շարիք իմ բարձրացան քան
զգլուխ իմ, տոռունք մեղաց
պատեցան զինև եօթնպատիկ,

և սղալանք իմ պաշարեցին
զիս, և ոչ գոյ թիւ անդգա-
մութեան իմոյ : Քեզ մեղայ,
փրկութիւնդ յաւիտենից, ոչ
ունիմ վստահութիւն կոչել
զանուն ահաւորիդ ի վերայ
վտերիս. ամօթ երեսաց իմոց
ծածկեաց զիս, և հարան յիս
փուշք մեղաց իմոց : Աւարդ,
ՏԵՐ իմ ՏԵՐ, առ ո՞ տալուի-
նեցայց, և կամ զո՞ արարից
ինձ յոյս և ապուէն փրկու-
թեան իմոյ : Բայց թէ պէտե-
բազում անգամ բարկացուցի
զԲարձրեալդ, սակայն առ քեզ
կարգացից : Մի՛ մտաներ ի
դատաստան ընդ ծառայիս քո,
ՏԵՐ իմ, և մի՛ հատուցաներ ըստ
գործոց իմոց : Մի՛ սրամտու-
թեամբ և սպառնալեօք սոս-
տեր ինձ, ՏԵՐ իմ, և մի՛ բար-
կութեամբ ահաբեկեսցես զեզ-

կելիս, Աստուած իմ: Մի մասներ զմեզուցեալս ի մորմաբումն յաւիտենից կայծականցն, Տէր իմ, և մի յուզարկեր զողորմելիս յանողորմ տանջանսն, Աստուած իմ: Մի տար զտարազրեալս ի տաղնոսպ տարտարոսին, Տէր իմ, և մի աիրեսցեն ի վերայ իմ վհատելոյս վիշաք անապառ, Աստուած իմ: Մի բարձրացի ի վերայ իմ բոցն հրաբորբոք, Տէր իմ, և մի ածեր ի վերայ իմ բազմամեղիս զհնոցն մթազին, Աստուած իմ: Մի կաքաւեսցեն ի վերայ տառապելոյս հոյլք անխախճան որդանցն, Տէր իմ, և մի ածեր ի վերայ բազմամեղիս զազրագործ՝ զչար ժանեաց զուտելիս նոցա, Աստուած իմ: Մի ծածկեսցէ զծանակեալ

ծառայս ծովն հրեղէն, Տէր իմ, և մի վազեսցէ ի վերայ վրդովելոյս վտակ հրախառն յորձանաց, Աստուած իմ: Մի առաքեր զիս ի խաւարն արտաքին, Տէր իմ, և մի անկայց աշխարելիս ի դուրն ազականութեան, Աստուած իմ: Մի որոշեսցես զիս յերամէ երանելեացն, Տէր իմ, և մի զրկեսցես զյանցաւորս ի հաղորդութենէ բնաբերոցն, Աստուած իմ: Մի զահագին զձայնն ձայնեսցես, եթէ «Ծառայ չար և վատ», Տէր իմ. և մի անաես առներ զտարակուսեալս ի յաւիտենից օրհնութեանցն, Աստուած իմ, այլ ողորմութեամբ քով յաւիտենից ողորմեա ինձ, և անհաս մարգասիրութեամբ քով գթա յիս: Ազաչեմ զքեզ, Տէր,

սրբարար զօրութեամբ քով
սրբեա զիս, զաղաղեղեալս մե-
ղօք, և ազատարար իշխանու-
թեամբ քով ազատեա զիս ի
դառն վշտաց գեհէնայն: Տուր
ինձ տեղի ի լուսավայլ տա-
գաստին, և զասեա զտարա-
կուսեալս ի դասս իմաստուն
կուսանացն: Տուր, Տէր, ա-
զաչեմ զքեզ, զխոտաացեալ
բարխան ընդ ամենայն ըն-
տրեալսն, զի ընդ նոսին փա-
ռաւորեցից զամենասուրբ
զԵՐՐՈՐԳՈՒԹԻՒՆԵՂ, զՀայր և
զՈրդի և զՍուրբ Հոգիդ, այժմ
միշտ և յաւիտեանս յաւիտե-
նից. ամէն:

ԱՂՕԹՔ

ԱՌԵՒՆ ԱՄԻՆՈՒՄ

Որդի Աստուծոյ, Աստուած
ճշմարիտ, որ վստան մերոյ փրկ-
կութեան մարդկան եղեր որդի
մարդոյ, որդի Աստուծոյ, որ
վստան անհատ մարդասիրու-
թեան քո խոնարհեցար յան-
ճառ փառաց քոց, և ելեալ ի
խնդիր կորուսեալ պատկերիս
քո տանա Ադամայ, և ընդ
անօրինական կրից քոց արա-
րեր փրկութիւն ի մէջ երկրի,
և ազատեցեր ի ծառայութե-
նէ մահու և մեղաց, և հրա-
ւիրեցեր զհողեղէնքս յարդա-
րութիւն և ի փառս քո, և
արարեր հաղորդ և ժառան-

գակից զմահկանացու բնու-
թիւնս երկնային անմահական
գօրացն: Եւ արդ, Տէր Յի-
սուս Քրիստոս, Աստուած իմ,
որ զայս ամենայն բարութիւնս
մարդասիրապէս շնորհեալ յօ-
րինեցեր, մի միայն ես եւ
դէց զրկեալ ի ձրի պարգեացդ
վասն ծովացեալ մեղաց իմոց.
մի միայն ես ունայն գտայց
յայդպիսի փրկութենէդ՝ վասն
բանից յանցանաց իմոց, այլ
որպէս ելեր ի խնդիր կորու-
սեալ ոչխարին, և գտեալ ու-
սօք բարձեր, լեր և ինձ խըն-
դրող կորուսելոյս. և զոր օ-
րինակ ողորմեցար քանանուհի-
ւոյն և զհայցուածն կատա-
րեցեր, կատարեալ և զիմ հայ-
ցուածս, որ վասն մեղաց իմոց
պաղատեմ. և որպէս սրբեցեր
բանիւ բերանոյ քո զբորոտն,

սրբեալ և զիս յամենայն սխա-
լանաց իմոց. և զոր օրինակ
զանդամալոյձն առողջացու-
ցեր, առողջացո՛ւ և զիս զչա-
րեօք լցեալս. և որպէս զհի-
ւանդսն բժշկեցեր, բժշկեալ և
զիս զցանկութեամբ հիւան-
դացեալս. և զոր օրինակ
զդէսն ի մարդկանէ հալա-
ծեցեր, հալածեալ և յինէն
զլծչնամին կենաց իմոց. և
որպէս զկոյրսն լուսաւորեցեր,
լուսաւորեալ և զիս զխաւա-
րեալս մեղօք. և զոր օրինակ
զմեռեալսն յարուցեր, յարո՛ւ
և զիս զմահացեալս յանցա-
նօք. և որպէս ալեաց ծովուն
սաստեցեր, սաստեալ հանդար-
տեալ և զալիս մեղաց իմոց.
և զոր օրինակ զսովեալսն յա-
նապատին կերակրեցեր, կե-
րակրեալ և զիս զճճմարիտ սո-

վեալս յառաա ողորմութենէդ քումմէ: Տէր Յիսուս Քրիստոս, Աստուած իմ, որ զամենայն մարդ կամիս կեալ և զալ ի գիտութիւն ճշմարտութեան, ուստի և զանձն քո ետուր փրկանս փոխանակ բազմաց, յիշեալ զիս և ողորմեա ինձ: Տէր Յիսուս Քրիստոս, Աստուած իմ, որ վասն իջաներոյ քո ի հայրական ծոցոյն անճառ ծննդեամբ ի Սրբուհւոյն, խանձարբօք պատերոյն, ի մասեր գներոյն, կաթամբ կերակրերոյն, բազկօք բառնալոյն, զրկօք զգուերոյն, շրթամբք հողեղէն համբուրերոյն, և ի տաճարն ընծայերոյն, յիշեալ զիս և ողորմեա ինձ: Տէր Յիսուս Քրիստոս, Աստուած իմ, վասն ի Յորդանան մտաներոյն, ի Յով-

հաննէ մկրտելոյն, իջաներոյ Սուրբ Հոգւոյն, ի Հօրէ վկայելոյն և յանապատի փորձելոյն, յիշեալ զիս և ողորմեա ինձ: Տէր Յիսուս Քրիստոս, Աստուած իմ, վասն աստուածաճաշրաշ սքանչելագործելոյն, զմեզան թողլոյն, զնեղեալսն բժշկելոյն, զմեռեալսն յարուցանելոյն, զաստուածութիւնդ յայտանելոյն, յիշեալ զիս և ողորմեա ինձ: Տէր Յիսուս Քրիստոս, Աստուած իմ, վասն ի վերնատանն բազմելոյն, զառաքեալսն լուանալոյն, զնոր ուխտ պատարագին հաստատելոյն, և ի Յուդայէ մատնելոյն, յիշեալ զիս և ողորմեա ինձ: Տէր Յիսուս Քրիստոս, վասն խուժանին Հրէից զքեզ ըմբռնելոյն, կապելոյն, ձորձապատելոյն, հարկանելոյն,

հայհոյելոյն, կոփելոյն, ձա-
ղելոյն, ծեծելոյն, թքանելոյն,
այսպէս ասնելոյն, յիշեալ զիս
և ողորմեա ինձ: Վասն ի յա-
տենի քո կալոյն, ի դատաւո-
րէն դատելոյն, ի Հերովդէէ
հարցափորձելոյն, ի դպրացն
դարովելոյն, ի քահանայիցն
կշտամբելոյն, ի ժողովրդոցն
պարտաւելոյն և ի զինուորացն
վարելոյն, յիշեալ զիս և ո-
ղորմեա ինձ: Վասն կենսաբեր
փայտին բառնալոյն, ի Գող-
գոթա կանգնելոյն, կամաւոր
բարձրանալոյն, և հեղուսիւք
բւեռելոյն, յիշեալ զիս և ողոր-
մեա ինձ: Տէր Յիսուս Քրիս-
տոս, Աստուած իմ, վասն
աստուածախառն մարմն ոյգ
մերկանալոյն, կարմիր քղա-
միգով զարդարելոյն, պատ-
մուծանելոյն, հանդերձիցն

բաժանելոյն, և փշովք պա-
կելոյն, յիշեալ զիս և ողորմեա
ինձ: Տէր Յիսուս Քրիստոս,
վասն քրանաջան ծարաւելոյն,
լեզի և քաղախ ճաշակելոյն,
մեծածայն առ Հայր կարգա-
լոյն, զէլի էլի գոչելոյն, և
աստուածեղէն հոգւոյդ աւան-
դելոյն, յիշեալ զիս և ողոր-
մեա ինձ: Տէր Յիսուս Քրիս-
տոս, Աստուած իմ, վասն ի
խաչէ իջանելոյն, ի Յովսէփայ
պատառակալելոյն, ի զե-
րեղման իջանելոյն, մատա-
նեաւ կնքելոյն, զգժոխս ա-
ւերելոյն, ի մեռելոց յառնե-
լոյն, զաշակերտան օրհնելոյն,
և փառօք առ Հայր համբառ-
նալոյն, յիշեալ զիս և ողոր-
մեա ինձ: Տէր Յիսուս Քրիս-
տոս, Աստուած իմ, մի ըստ
գործոց ի մոց հատուցանեք

ինձ, մի մերժեր զիս յողորմութենէ քումմէ, և մի անտես առներ զգործս ձեռաց քոց, և մի զրկեր զիս յերանաւէտ խոտամանց քոց. մի մոռանար զիս յողորմութենէ քումմէ, և մի առաքեր զիս ի տանջանան յաւիտենականս, այլ յիշեալ զիս, Տէր, և ողորմեալ ինձ, Տէր, և մի տոչորեր զիս հրեղէն տապալօքն, մի գանեսցես զիս գեհենովն, և մի բերցես ի վերայ իմ գրոցն բորբաքեալ. յիշեալ, յիշեալ, յիշեալ, յիշատակդ յաւիտենից, Տէր Յիսուս Քրիստոս, Աստուած իմ, և նայեալ առ իս քաղցրութեամբ: Եւ վասն փառաց երեսաց Հօր, և վասն փառակցութեան Հոգւոյդ Սրբոյ, և վասն սիրոյ և բարեխօսութեան սրբոյ Աստուա-

ծածնին, և ամենայն սրբոց քոց երկնաւորաց և երկրաւորաց՝ ազատեալ զիս յաններելի տանջանացն և ի դառն վշտաց գեհենին, և արա՛ զիս արժանի երկնից արքայութեանդ, և քեզ ընդ Հօր և Սուրբ Հոգւոյդ փառք, իշխանութիւն և պատիւ յաւիտեանս յաւիտենից. ամէն:



ՅԱՆԿ ԱՂՈԹԻՅ

ԸՍՏ ԳԼԽ ԱԿԱՐԳՈՒԹԵԱՆՅ

	Էջ
Յառաջաբան	5
Աղօթք կիրակեի ատուրն . . .	11
» Երկուշաբաթի » . . .	13
» Երեքշաբաթի » . . .	15
» Զորեքշաբաթի » . . .	17
» Հինգշաբաթի » . . .	19
» Ուրբաթու . . .	21
» Շաբաթու . . .	24
» առ Տէրն մեր Յիսուս Քրիստոս	26
» առ Սուրբ Աստուածա- ճինն	31
» առ Տէրն մեր Յիսուս Քրիստոս	35
» առ Տէրն մեր Յիսուս Քրիստոս	37
» առ Տէրն մեր Յիսուս Քրիստոս	39
» առ Տէր Աստուած . . .	41

Աղօթք առ Տէրն մեր Յիսուս	էջ
Քրիստոս	44
» առ Տէր վասն զիշերոյ	48
» միջնորդութեամբ երկ- նային զօրացն	51
» առ Տէր Աստուած	54
» առ Տէր Աստուած	58
» Ի Սուրբն Աստուածածին և առ ամենայն Սուրբս	64
» առ Տէրն մեր Յիսուս Քրիստոս՝ վասն ճա- նապարհի	68
» առ Տէրն մեր Յիսուս Քրիստոս	70
» առ Տէր Աստուած	72
» առ Որդին Աստուած	77

Յ Ա Ն Կ


ՍԿՁԲՆԱԽՈՐՈԹԵԱՆՑ ԱՂՈԹԻՑ


	էջ
Յախօնեից Աստուած	11
Ով ամենակալ Տէր իմ	13
Պէրին վայելչութեանցդ	15
Անկանիմ առաջիքս	17
Ներող և ներգործող	19
Էապէս բարի և ամենակարող	21
Սուրբ երբորբողութիւն	24
Գառն Աստուծոյ, Տէր իմ	26
Աստուածածին, մայր Քրիստոսի	31
Ռահ լուսոյ և ճշմարիտ	35
Նայեա՛ր քաղցրութեամբ	37
Երկնաւոր թագաւոր	39
Յաւագնեալս մեղօք	41
Ի բեզ յուսամ Յիսուս	44


	էջ
Սղաշեմ գրեղ, Տէր	48
Սուրբ և սիրեցեալք	51
Սատուած Աստուած իմ	54
Յրուեա, Տէր, զօրութեամբ	58
Երկնային դուռն	64
Սաղնորդ կենաց	68
Լոյս ի լուսոյ	70

Տէր Տէր, հայր և Աստուած	72
Որդի Աստուծոյ, Աստուած	77









ՀՀ Ազգային գրադարան



NL0159370

5531/1